

अध्यन्तरिक्षे । तावत्समभ्यं पुरुवारं पुरुषुं । रायस्पोषं  
विष्यतां नाभिमस्मे ॥ ५ ॥  
धियं पूषा जिव्वतु विश्वमिन्वः । रयिः सोमो रयि-  
पतिर्दधातु । अवतु देव्यदितिरनर्वा । बृहद्वदेम वि-  
दथे सुवीराः । विश्वान्यन्यो भुवना जजान । विश्वम-  
न्यो अभिचक्षाण एति । सोमा पूषणाववतं धियं मे ।  
युवभ्यां विश्वाः पृतना जयेम । उदुत्तमं वरुणास्तम्नाद्यां\* ।  
यत्किञ्चेदं कितवासः ॥ अवते हेडस्तत्त्वायामि । आदि-  
त्यानामवसानदक्षिणा । धारयन्त आदित्यासस्तिषो  
भूमीर्धारयन् । यज्ञो देवानां शुचिरपः ॥ ६ ॥  
मनीषास्तु चर्त्तस्यास्मे कितवासश्चत्वारि च ॥ अनु० १ ॥

॥ ६ ॥ द्वितीयोऽनुवाकः ।

ते शुक्रासः शुचयो रश्मिवन्तः । सीदन्नादित्या अधि-  
बर्हिषि प्रिये । कामेन देवाः सरथं दिवो नः । आयान्तु  
यज्ञमुपनो जुषाणाः । ते सूनवोऽदितेः पीव सामिषं ।  
घृतं पिबत् प्रतिहर्ष्यं नृतेजाः । प्रयज्ञिया यजमानाय ये  
मुरे । आदित्याः कामं पितुमन्तमस्मे । आनः पुत्राऽदि-  
तेर्यान्तु यज्ञं । आदित्यासः पथिभिर्देवयानैः ॥ १ ॥